

《中國地方志薈萃》編委會 編

中國地方志薈萃

西南卷·第三輯 拾

中國地方志薈萃

西南卷·第三輯

拾

《中國地方志薈萃》編委會
編



九州出版社
JIUZHOU PRESS

全國百佳圖書出版單位

咸豐簡州志

出版說明

咸豐簡州志

(清) 濮 瑗修 黃 樸等纂

本書十四卷，據清咸豐三年（一八五三）刻本影印。

重修簡州志序

嘗謂郡邑志乘與史書相表裏龍門扶風高軼百代尙已後惟歐陽文忠五代史博大精深差堪繼武下此則得失互見不無遺議史才誠難其人也然如杜佑之通典元和之郡國志暨康對山之武功志不事依傍自成一家言雖未足上追班馬亦庶幾作志者之權輿乎余陽安承乏六載於茲竊見其士則秀而文其民則愿而樸其比閭族黨之間則嫻睦任恤相友相助共敦古處猶有先民遺風未

嘗不嘆

國家深仁厚澤涵養休息俾斯人共享昇平之福者至深且遠也廣哉熙熙各得其所爰取舊志閱之而殘缺失次遺漏實多考是志成於乾隆五十八年歲在癸丑迄今世歷五紀過此弗

簡州志

序

二

修則上下數十年間風俗之盛衰時事之遷變書缺有間謂非守土者之咎歟夫簡固益州之一大都會也上接天府下達巴渝數郡毘連山川相望非務爲炳烺者可以率爾操觚也庚戌春州孝廉陳君星楣率諸生以

重修請爰設局於鳳山書院嗣陳君以足疾告歸黃君芑山總之惟時秉筆削者有人司採訪者有人搜斷碣殘碑於荒煙蔓草覓名流芳躅於山巔水涯凡前志之誤者正之闕者補之其新增之數殆不啻十之六七至

簡州志

序

三

其分門別戶以類相從井井有條犁然不紊諸君之從事於斯其用心亦良勤矣今歲仲夏書告成退食之餘細爲校閱綱舉目張無美不具異時採風者欲知斯郡之典實將於是在而不致慨於文獻之無徵也顧不

賜進士出身

懿歟董事諸君不予鄙棄而來問序於余余深幸諸君之有志竟成也遂不辭而爲之序

咸豐二年歲在壬子粢賓月望日

誥授奉直大夫知四川成都府簡州事高

簡州志

序

四

平濮瑗琅圃氏序於陽安官署之擁翠軒



重修簡州志序

志與史異史寓褒貶昭勸懲以垂法將來志則志其風俗土宜人物貢賦而已州之志與省志異省志規模宏遠義取乎兼收州志則志其疆域之所有政治之所及而已夫禹貢列九州國風陳十五當時筐篚所入與輶軒所採猶總其簡州志

序

大同而未嘗細爲區別至祖龍郡縣天下裂百里而疆理之而天寶物華山川靈秀遂各限於一隅而不相假借焉簡州漢爲牛鞞宋曰陽安歷代沿革既各徵於信史意必有人焉起而志之以成一州之書者第世遠既失其傳考信終無其據坐令分疎雄封沱江巨派爲東

南保障之區者幾沉淪於僻壤可慨也哉乾隆癸丑司鐸楊荷溪沿通志爲編輯問以所聞然自抒臆見筆漏常多前刺史宮庶侯先生蒐羅舊典欲續而修之者屢矣而有志未逮道光丁未琅圃濮公以名進士來牧是邦政事之暇緝閱舊乘謂其書之未足以傳信也脫簡州志

序

惜久之至庚戌歲與州前輩周梧庭先生山長陳君星楣及樸等言及之且以編纂之事相屬焉樸等堅以謏陋辭終不獲公因出其行篋中書若干卷授以意指且諭四方博洽之士各以所集詣局以資採擇既成公爲點定挈其綱領正其組織使闕者補繁者芟消者

辨鱗次櫛比有條不紊而後付諸梓是役也始於庚戌之夏成於壬子之秋中間停局者一年蓋以公方引見入都不暇及此故也夫以公之來莅斯土也盜賊方充斥公談笑而麾之四境靡然從風使帶牛佩犢者咸敦禮讓而悅詩書則文章之實皆經濟之施豈屑屑與帖括者比耶夫天下可爲之事必視乎有爲之人公前令於普而普志成矣今任於簡而簡志又成成不成繫乎其人也豈偶然哉夫志之修公任之志之成公爲之志於志所以志公志也

咸豐二年歲在壬子仲夏中浣之吉州

人黃樸芑山氏序於鳳山書院之東偏



簡州志舊序

簡治古陽安也歷代屢易其名而山川如故人物遞新其間賢豪萃拔忠義挺興磊落英風夙欽芳躅壬子花朝涖任茲土覽山水之秀睹物產之衝地形列錦城保障驛站迤渝郡通

簡州志

序

衢撫茲要區必銓方帙廼訪之鄉宦僉云殘佚時值西域小醜跳梁公務紛繁未遑經理越癸丑春邊隅氛靜奏凱興歌集諸紳士拔延學博楊公掌教鳳山兼修州志搜羅往蹟彙輯成書以序屬余余亦不揣鄙俚草綴

穀言共藏厥美以徵

廷培養之深並志通邑人才之盛云爾

時

乾隆五十八年歲在癸丑清和月知簡州事黔南劉如基履菴氏誤

簡州志

序



簡州志舊序

陳壽作者舊傳而士敦實行民風丕變
蜀志之化所由昉也已酉春泗為司鐸訪
問州志貪曰殘軼泗慨嘆久之有志而未
逮也今荷

呈仁浩蕩蠲免錢糧次第及簡又值邊番納

簡州志

序

三

款絕徵輸誠

天威遠震文德覃敷之際士庶歡騰以纂修州
志請於州刺史劉公自下車以來愛民
禮士百廢具興罔是舉也忻然提理共事
而屬泗編輯泗以州志未修乃一州之缺
事不當以謫陋辭爰偕諸同人披羅殘編

鈔錄碑碣徵之史策參之見聞謹述訂謠

以底於信匝九月而該事雖班豹寡識魁
枝紀長為異名賢廊所未逮而一州之缺事
志章得補苴於一旦矣然非徒以飾觀瞻
也州志備一州之事按類而稽固大有以於
人之志者州之人士讀戶口蠲政諸篇

簡州志

序

四

思吾百姓之得含哺鼓腹享太平之福
此皆我

皇上愛養黎元所以生成之也忠愛之忱愈摯
矣讀學校選舉諸篇思吾士子之得誦詩
讀書化蠢為喬野之實為通今食古之儒者
皆我

呈上械撲作人所以曲成之也上報

國恩下立人品之志愈堅矣至睹循良之甘棠

鄉賢之芳躅則傲之心自生覽忠孝之風徽

節義之事蹟秉彝之好自動志之蓋人不淺

也謹泐陽安之志不可比者舊之傳也哉

乾隆癸丑陽月射江楊泗荷溪氏撰

簡州志



簡州志卷首目錄

序文

凡例

纂修姓氏

天文志

星野

氣候

月占

地輿志

圖攷

建置

沿革

疆域

形勢

八景

城池

公署

關鎮

津渡

簡州志

卷之二

橋梁

驛傳

鋪遞

場市

山

巖

洞

石碑

附水溪附

井

泉

池

堤堰

寺觀

亭

臺

樓

閣

堂

堡域

人物志

封建

職官

宦蹟

營制

汛官

武備

選舉

鄉賢

宦蹟

武功

封陰 忠義 孝友 善行 壽考

仙釋
方技
隱逸
流寓
節孝

貞烈女壽附

典禮志

慶賀 接詔 祀典 賓興 鄉飲

風俗

學校志

學宮 學額 書院 義學 學田

食貨志

簡州志

卷之一

目錄

土產
田賦領支
積貯
鹽法
茶法

雜課 戸口 里役 蠲政

藝文志上

記
詞
書
疏
銘

文 表 序 論 詔

頌
議
啟
跋
攷

謝

藝文志中

五古
七古
五律
五排
五絕 六言附

七律
七絕
詞賦

雜記

雜記
祥異附

目録

凡例

一簡州舊志殘缺已久其作者姓氏概不可攷至乾隆五十八年荷溪楊氏始採輯成書鈐板行世然草草竣事其中舛舛實多今不揣固陋重爲釐正以清眉目

一舊志所已載者標以舊志舊志所引之舊志則以前志別之新纂者標以續增二字以免魚目之混

一職官自漢代以迄前明見諸史集碑銘記序者得百餘人楊志所載僅二十餘人而已今卽其確有可徵者標明來歷悉爲補入至簡雍舊載爲簡州守殊附會無稽

因辨於職官下以正其訛

一所引地志必期信而有徵自廿二史外如元和志寰宇志之類是也其餘小說家言不敢持摭至人物藝文則雜取說部以廣見聞

一政蹟及選舉中或注其人事蹟行誼一二不復更爲立傳乾隆時傳爾泰延平府志亦用此例茲從之

一節孝原以勵風俗茲志所收較多然必其年例相符採訪確實者始敢編入

學校典禮載諸通志可無庸贅然無力之家購之者寡

茲因舊志所已載者仍載之較爲詳核蓋以資學人之稽攷耳

一凡所徵引皆著明各條下其云某書者直錄原文一字不更者也其云見某書者於原文小有點竄者也蓋原文不必全屬州事摘抄數語又或意義不明不得不以已意槩括其詞耳

一州中先達著述日稀其吉光片羽之僅存者有得必錄如劉巨濟劉後溪之流是也其他郡縣人所作有關州事者亦具錄焉從舊例也然所錄詩文多從諸家說部

簡州志

卷之一 凡例

文集中採入縱非絕調亦無庸音至於橋碑廟記其詞不工及近人應俗之文其體已俚者不敢濫及

一舊志所載詩文其庸劣者悉爲芟去以清編簡至前人之作雖非絕響而有關於州之人與事者仍爲編入不敢任意棄置

一藝文不關州事者不錄其爲州中名人著作鮮見雖不關州事亦偶錄一二仿升菴用程篈嶽新安文獻志例若著作已多無庸盡錄如劉後溪所撰趙丞相墓誌等類是也

一近人諸作雖有關州事而其人尙存者不錄懼嫌也

一藝文除論疏記序外其體不備難以分類惟以年代次之至詩得古今體若干首以類分之類分之中亦以時代相次仿文選例也

一州人汪柳橋所纂簡記體例精而未成帙茲志採取頗多即註名各條下不敢沒其長也至胡續溪舊本採輯繁襍然取其長而畧其短亦可謂有功志乘者

一開局後州人士各緝閱書史搜求古蹟彙抄成帙送局者皆有心志乘者也應記名採訪之列

志乘每於類分前冠以小序明作某志此雖龍門式亦習氣相沿茲仿巴縣志例從樸也

一茲志所載事蹟較舊志增入者十之六七然畧見寡聞所知有幾兼之藏書未富不足以資考據其舛午遺陋者諒不少矣倘博雅君子起而釐正之增補之庶幾其爲完璧乎

纂修姓氏

總裁

特授四川成都府簡州知州加五級卓異加二級紀錄士次漢 璵

鑒校

簡州儒學 正岳維增 中江舉人

簡州儒學訓導劉度 達縣附貢

簡州儒學訓導焦樹森 安縣舉人

總纂

壬辰科舉人 陳治安 星柘

簡州志 卷之二 纂修姓氏

巳亥科舉人 黃樸 茂山

分纂

儒學 周紹元 乾果

儒學 賓奉璋 義亭

儒學 張玉樓 瀛仙

監理局務並考校膳錄

儒學 胡彌壽 介眉

儒學 魏玉 羅山

鈔稿

儒學 生 員 章祖相 蔭軒
儒學 生 員 羅珊 寶航

採訪

儒學 生 員 胡懿修 滋圃

儒學 生 員 張利 午蹕

儒學 生 員 譚輝翰 西園

儒學 生 員 毛白鳳

童生 生 樊有達 陽園

原採訪

有外 宋之二 纂修姓氏 王

監生 賴廷玉

刊刻梓人 李廷玉

簡州志

主修舊志姓氏

履菴劉氏 如基

纂修舊志姓氏

荷溪楊氏 湘

纂輯舊志姓氏

毛氏 子述

分輯舊志姓氏

胡氏 開選

簡州志 宋之二 修舊志姓氏

分校舊志姓氏

鄢氏 廷鈺

黃氏 廷璋

黃氏 廷翔

楊氏 紹三

楊氏 廷三

虞書言星象不言分野自左氏史漢諸家以來始備言之然躔度多寡歲差里差人人異辭宜闡其說者以爲有分星無分野也唐一行以山河兩戒雲漢四維爲之分配而辨論之若熒惑守心而占當宋分定流爲祟而應在晉侯與德星奏聚潁川命使知來益部驗諸史策有明徵矣第一州之地上應星躔何殊滄海之一粟必欲逐步推其分秒亦憂憂其難之茲據天官諸書以參


簡州志

卷之二 星野

一

井輿鬼爲益州分野爲之圖以列其躔次而躡衡之顯象亦圖之以見四時之序焉其餘五緯之運不常厥后衆星之分無關蜀部者概不闌入從其約也惟


國朝考定南北二極圖經緯燦若宮度朗如洵爲瞻仰者之矩矱故弁二圖於前所以揭全體也次分星于後所以辨一隅也至地勢有南北之殊氣候有早遲之異因地脈以辨天星因天星以神占驗則尤在善步者之引申其說云





簡州志

卷之二 星野圖

二





爾雅釋天邢昺疏春秋說題辭云天之言顯也居高理下
爲人經紀故字從一大以鎮之此天之名義也天之爲體
中包乎地日月星辰屬焉

淮南子天文訓積陽之熱氣生火火氣之精者爲日積陰
之寒氣生水水氣之精者爲月日月之淫爲精者爲星辰
爾雅疏混天之體雖繞于地地則中央正平天則北高南
下北極高於地三十六度南極下於地三十六度然則北
極之下三十六度常見不沒南極之上三十六度常見不
見南極至北極一百二十一度餘若逐曲計之則一百八